

Nous remplissons nos corps auernes
Grant licherie nous assorte
Nul sobriete ne supporte
Chacun de ce vice est trouble
Nul ne viura sil na du ble

Et nos pensees sont inhertes
Qui ne quierent que vains exploiz
Et rendons nos ames desertes
De occiosite et reploiz
Et corps de luxures imploiz
Aultres vices auons vng cent
Qui fait peche de luy se sent

Au mopen de quoy si grant nombre
Est de folz par my tout le monde
Quen tous quartiers ilz font encombre
Leur follie par tout redonde
Toute vertuz et chose munde
Contaminent de grant follie
Tousiours le fol de mal se allie

Dont les vngz cupdent bien sauens
Estre saiges et fors discretz
Et les aultres sont plain de vens
Qui ne sauent loiz ne decretz
Toutefois sont en eulx concretz
Et par ce mopen folz tousiours
Mal faire nous nuyt tous les iours

Telles gens vous ne deuez croire
Insciens et oustrecurdez
Qui sont rempliz de vaine gloire
Et toutefois bons les curdez
De bon sens ilz sont tous vndez
Et se reputent haultz et saiges
Gardez vous bien de leurs passaiges

Or doncques tous les loyaux bons
Auront leurs loyers et desertes
Et les folz de petuers regnons
Seront descriptz selon leurs fettes

Nous boufons par voyes appertes
Bailler a chacun son bon loz
Mal fait laisser la chair pour los

Par mes fictions dresseray
Sur mer classiques et nauires
De cordages les freteray
De hunes de voiles et vires
De bicoquetz aussi d'auires
y aura par grāt multitude
Le bien faisant a bonne estude

Les prendray de diuers pays
Du regneront tous les humaine
Des bons ou des mauuais hais
Aueuglez malades ou sains
Et les bastiray de mes mains
Tant que ie viuray et sans cesse
Vertuz est treshaute princesse

Aussi mest il bien necessaire
Car pa tant dinnumerables
Follatis de petuers affaire
Qui font des mauly irteparables
En mes vers qui sont numerablee
Ne peuuent estre tous descriptz
Qui ay me dieu tient ses escriptz

En si grant nombre ses folz courent
Lesquelz viuent au monde et sont
A venir a noz nefz discourent
De tel roideur quilz se desfont
Leur pie se blesse et tout se fond
Pour venir a nostre nauire
Tel cuide estre bien seur qui vire

Et quant ie pense leurs molestes
Leurs follies et mauly grigneurs
Plus en ya que de ces bestes
Qui portent fleurs plains de liqueurs
Brief tant court de folles erreurs
Que tout en est plain le vaisseau
Sans lectre vault bien peu le seau